



PAC: PAGOS DIRECTOS MANUAL PRACTICO

2015-2020

NPB: ORDAINKETA ZUZENAK GIDALIBURUA



Eguneratze-data:
2015/02/15

8. NEKAZARITZAN HASTEN DIREN NEKAZARI GAZTEENTZAKO ORDAINKETA

8.1. Nork du nekazaritzan hasten diren gazteentzako ordainketa osagarri hori eskuratzeko eskubidea?

Osagarri hori jasotzeko, nekazariak honako baldintza hauek bete behar ditu:

- a) Gehienez 40 urteko adina izatea oinarrizko ordainketarako eskubideen lehen eskaera aurkeztu zuen urtean.
- b) Nekazaritzako ustiategi batean lehenengo aldiz ezartzea ustiategi horren arduradun gisa, edo oinarrizko ordainketaren erregimenaren babesean egindako eskaera lehenengo aldiz aurkeztu baino bost urte lehenago ezarri izana ustiategi horretan. Nekazari gazte bat ustiategiaren arduraduna dela ulertuko da baldin eta epe luzera begira ustiategiaren kudeaketarekin, etekinekin eta finantza-arriskuekin zerikusia duten erabakiak kontrolatzen baditu. Atal horren xedeetarako lehen ezarpena zein den zehazteko, Gizarte Segurantzaren dagokion nekazaritza-jardueraren erregimenean alta hartu duen eguna hartuko da aintzat.
- c) Ordainketarako eskubidea izatea oinarrizko ordainketaren erregimenaren arabera, eta dagozkion ordainketa-eskubideak aktibatu izana.
- d) Oinarrizko Ordainketaren Erreserba Nazionalaren eskubideen esleipenaren esparruan, nekazari gazte diren pertsona fisiko eta juridikoentzat ezarritako baldintzak betetzea.

Zehazki, nekazari gazteak honako hauek dira:

1. Erreserba nazionalaren oinarrizko ordainketarako eskubideen eskaera aurkeztu duten urtean gehienez 40 urteko adina duten pertsona fisikoak, baldin eta:
 - Lehen ezarpenaren laguntza ematearen aldeko espediente bat badute Landa Garapenerako Programaren esparruan, edo lehentasunezko ustiategi batean ezarri badira nekazari profesional gisa, edo Lehentasunezko Nekazaritza Ustiategi gisa katalogatzeko eskaera egin badute erreserba nazionalaren eskaera aurkeztu duten aldiaren eta katalogazio horren jabe badira eskubideak esleitu baino lehen, edo 2014an erreserba nazionalaren ordainketa bakarreko eskubideen esleipena jaso badute.
 - Jardunean hasi badira 2013. urtera arteko ordainketa bakarreko erregimenean sartuta zeuden sektoreetako batean edo oinarrizko ordainketaren erregimenean sartu den sektore batean.
 - Nekazaritzako ustiategi batean lehenengo aldiz ezartzea ustiategi horren arduradun gisa, edo oinarrizko ordainketaren erregimenaren babesean egindako eskaera lehenengo aldiz aurkeztu baino bost urte lehenago ezarri izana ustiategi horretan. Atal horren xedeetarako lehen ezarpena zein den zehazteko, Gizarte Segurantzaren dagokion nekazaritza-jardueraren erregimenean alta hartu duen eguna hartuko da aintzat.
2. Pertsona juridikoak, haien forma edozein izanik ere, baldin eta honako baldintza hauek betetzen badituzte:

- Erreserba nazionalaren oinarrizko ordainketarako eskubideen esleipena eskatzen duen pertsona juridikoaren gaineko epe luzerako benetako kontrola, a puntuan jasotakoa betetzen duen nekazari gazten baten ardura izatea. Gazte batek pertsona juridikoa benetan kontrolatuko du baldin eta gaztearen akzio edo partizipazioek osatutako kapital sozialak partizipazio gehien dauzkan bazkidearena gainditzen badu, eta, horrez gain, haren zuzendaritza-batzordeko edo gobernu-organoko kide bada.
- Zenbait pertsona fisikorik, nekazari gazteak ez diren pertsonak barne, pertsona juridikoaren kapitalean edo kudeaketan parte hartzen badute, nekazari gaztea denbora luzean benetako kontrola egiteko moduan egongo da, banaka edo beste nekazari batzuekin elkarlanean. Pertsona juridiko bat, banaka edo beste batzuekin batera beste pertsona juridiko baten kontrolpean badago, aurreko paragrafoan ezarritako baldintzak pertsona juridiko hori kontrolatzen duen edozein pertsona fisikori aplikatuko zaizkio.

Xede horretarako, aurreko atalean «ezarpena» aipatu dugunean, pertsona juridikoa kontrolatzen duten nekazari gazteen ezarpena adierazi nahi izan dugu.

Atal horren xedeetarako lehen ezarpena zein den zehazteko, Gizarte Segurantzari dagokion nekazaritza-jardueraren erregimenean alta hartu duen eguna hartuko da aintzat.

Zehazki, nekazaritzan hasten diren nekazariak honako baldintza hauek bete behar dituzte:

1. 19/1995 Legean zehaztutakoaren arabera lehentasunezko ustiategi batean nekazari profesional gisa ezarri izana egiaztatzea, edo Lehentasunezko Nekazaritza Ustiategi gisa katalogatzeko eskaera egin izana erreserba nazionalaren eskaera aurkezten duten eskaera bakarraren aldiaren, eta dagokion katalogazioaren jabe izatea eskubideak esleitu baino lehen
2. Jardunean hasia 2013. urtera arte ordainketa bakarrek erregimenean sartutako sektoretako batean, edo, 13. artikuluan jasota egonik, 2015ean oinarrizko ordainketarako erregimenean sartutako sektoretako batean, edo 2014an erreserba nazionalaren ordainketa bakarrerako eskubideen esleipena jaso izana.
3. 2013an edo ondorengo urte batean nekazaritzako jardura batean hasi izana, baldin eta nekazaritzako jarduerari ekin aurreko bost urteetan nekazaritzako jarduerarik bere kontura egin ez badu, edota denboraldi horretan nekazaritzako jardura batean aritzen den pertsona juridikoa kontrolatu ez badu. Atal horren xedeetarako lehen ezarpena zein den zehazteko, Gizarte Segurantzari dagokion nekazaritza-jardueraren erregimenean alta hartu duen eguna hartuko da aintzat.
4. Oinarrizko ordainketarako erregimenerako erreserba nazionalaren eskaera aurkeztea, beranduenez bi urte geroago nekazaritzan hasi den urte naturalaz geroztik.

8.2. Zenbatekoa da nekazaritzan hasten diren gazteentzako osagarria?

Ordainketaren zenbatekoa urtean behin kalkulatzen da aktibatutako ordainketarako eskubideen kopurua kopuru finko batez biderkatuta, azken kopuru hori nekazariak jabetzan edo alokairuan dauzkan eskubideen batez besteko balioaren % 25 izanik.

Gazte bat pertsona juridikoaren barruan sartzen bada, kalkulu horretarako kontuan hartu beharreko eskubideen kopurua doitu egingo da, gazteek pertsona juridikoan duten parte-hartze ehunekoaren arabera.

Aurreko atalaren zenbatekoa kalkulatzeko, kontuan hartu beharreko ordainketa-eskubide aktibatuak gehienez 90 izango dira.

Nekazari gazteentzako laguntzaren zenbatekoa ez da urtean behin doitu konbergentziari jarraiki.

Ordainketa gehienez bost urterako emango da, ezarpenaren urteaz geroztik. Aldi hori murriztuko da nekazari gaztearen ezarpenetik laguntza osagarri hori jasotzeko ordainketa-eskaera lehen aldiz aurkeztu duen arte igarotako urteen arabera.

Gazteen osagaia Oinarrizko Ordainketarako Eskubideen batez besteko balioaren % 25 da

Gehienez ere 90 eskubide hartzen ditu aintzat

Ez du konbergentziarik bete behar.

Greeningarengatiko ordainketak Oinarrizko Ordainketa baino ez du kontuan hartzen, eta beraz gazteentzako ordainketa ez du kontuan hartzen.

GAZTEENTZAKO ORDAINKETAREN ADIBIDEA

Arabako Lautadako emakumezko nekazari gazte bat 2013an ezarri da. 2015. urtean nekazari horri 8. eskualdeko Oinarrizko Ordainketarako 70 Eskubide esleitu zaizkio, jabetzan eta eskubideko 146 €-ko zenbateko unitarioarekin, 8. eskualdeko Oinarrizko Ordainketarako 15 Eskubide, errentan eta eskubideko 168 €-ko zenbateko unitarioarekin, eta 20. eskualdeko Oinarrizko Ordainketarako 8 Eskubide, eskubideko 425 €-ko zenbateko unitarioarekin. Zenbatekoa da gazteentzako osagarria?

Lehenik eta behin, pertsona horrek jarduera 2013an hasi zuenez, gehienez 5 urtez kobratu dezake ezarpenaren urteaz geroztik. Hortaz, 2015ean osagarria kobratu dezake.

Osagarria kalkulatzeko, aktibatutako ordainketa-eskubideen kopurua (gehienez 90 eskubide) biderkatuko da interesdunak eskura dauzkan ordainketarako eskubideen batez besteko balioaren % 25az.

- Eskubide kopurua guztira: $70 + 15 + 8 = 93$. Hortaz, gehienez 90 eskubide
- Eskubidearen batez besteko balioa: $[(70 \times 146) + (15 \times 168) + (8 \times 425)] / 93 = 173,55 \text{ €/eskubide}$
- Gazteentzako ordainketa: $90 \text{ eskubide} \times 173,55 \times 0,25 = 3.904,88 \text{ €}$